

識方典第一千一百六十三卷

德安府部彙考一

德安府建置沿革考

本府

此三代荊豫二州域也周禮職方澤數曰雲夢又云荊河之浸曰澨春秋爲鄆子國楚滅鄆封鬬辛爲鄆公鄆南爲蒲騷而隨侯居鄆西鄙稱漢東大國後屬於韓赧王四十一年魏入南陽於秦以和次年秦置南陽郡後更置南郡領安陸西陵而南陽東境爲隨縣漢更置江夏郡安陸與西陵屬之而南陽轄縣三十六隨其一焉東漢更江夏爲安陸郡至獻帝建安中盡屬曹魏魏武赤壁之敗惟存南陽江夏七郡而安陸與隨尙屬魏晉太康初仍爲江夏郡治安陸後析置安陸郡又析南陽置義陽郡領隨縣尋又析置隨郡劉宋析安陸東境置孝昌縣又析南境爲應城縣元嘉二十六年以隨縣屬雍州孝建初改屬郢州景和中復屬雍州泰始五年仍屬郢州更爲隨陽縣元徽四年改屬司州齊以安陸寄治司州以隨郡領永陽潁西安化梁兼

置南司州尋廢仍爲安陸縣析隨縣置西陵郡析永陽縣置北郢州北隨郡及永陽郡又增置應州及平靖郡西魏置安州總管府更應城縣爲城陽郡於雲夢古城置雲夢縣屬城陽郡更孝昌爲岳州析置岳山郡大統中置并州於隨又析置澠西郡及澠西縣尋更爲下澧縣又置肆州尋更爲唐州更北郢州爲款州廢澠水郡別置戟城縣尋廢澠水郡更戟城爲橫山縣更北隨郡爲南陽析置淮南郡領屬城順義二縣又置冀州尋更爲順州又於平靖郡置平靖縣更魏更置南豫州後周更安州爲澠水尋更爲安陸郡更南豫州爲澠川郡又置清嘉京池二縣及澠州隋文帝起於隨去是名隋開皇二年郡俱廢尋更城陽爲應陽隨更置禮山縣更下澧曰唐城大業初廢澠州仍置安陸郡初雲夢孝昌屬安州至是屬安陸郡尋更安陸爲宣郡及廢澠西縣尋置漢東郡又更爲春陵郡屬山南道領隨縣土山唐城安貴順義平林上明光化諸縣尋復以禮山縣屬義陽郡更京池爲吉陽縣以故應州置應山縣省平靖縣入之尋又省吉陽入安陸縣俱屬安陸郡唐武德初更諸郡爲州四年省安貴入隨縣仍於應山置應州并析置禮山縣析孝昌置澠州兼置澠陽縣省雲夢入應陽尋復置雲夢縣仍以應陽爲應城

縣貞觀五年省平林順義入隨縣八年廢潁州省潁陽應城二縣入雲夢廢應州省禮山縣入應山俱屬安州隸淮南道天寶初復置安陸郡及漢東郡乾元初復爲安州隨州貞元中以李希烈叛乃於安州設安黃節度使號奉義軍元和二年省吉陽入應山十年始析山南東道授高竇寓以唐鄧隨節度使而李遜督賦襄復郢均房五州乾符四年王仙芝始陷安州天祐中復更應城爲應陽縣五代梁於安州置宣威軍後唐更爲安遠軍節度更孝昌爲孝感仍以應陽爲應城縣而郢復二州俱屬安遠軍石晉更爲防禦州後漢仍爲安遠軍周更爲防禦軍宋初安州置建安軍乾德五年隨州置崇義軍開寶中廢吉陽縣太宗更建安軍爲安遠崇義軍爲崇信隸湖北路神宗初爲安遠觀察使尋隄安州爲德安府安遠軍如故後徙治漢陽領縣四治安陸云初雲夢省入安陸元祐初復置建炎元年以應山屬隨州紹興四年以隨州屬襄陽府路尋屬京西南路徙雲夢治於許落市尋復故治又徙孝感治於紫資寨嘉定十五年以隨三關更屬德安置關使端平元年襄漢被兵而應山失矣元至元十二年隨始降元十三年以隨及應山隸湖北道宣慰司屬德安府尋以府隸鄂州行省後屬黃州路又改屬荊湖北道

隸河南行省領隨州及雲夢孝感應山應城四縣至正十一年許蔡兵起聶興宗許成據應山雲夢等縣明初聶許歸附洪武二年始置安陸縣又降隨州爲縣省應山入焉尋降府爲德安州屬黃州府九年省安陸及孝感入德安州十一年省應城入雲夢縣十三年仍以德安爲府復置安陸雲夢應城孝感而隨陞爲州復置應山屬之并屬於府隸武昌道後改隸荆西道徙黃陂兵設守禦千戶所於府又析安陸衛兵置守禦百戶所於隨守焉

皇清康熙年間以德安府隸荆南道府領州一縣五

安陸縣

周禮職方氏荊州澤薊曰雲夢成王時屬鬻熊曾孫熊繹繹王時屬越章王執疵定王二年甲午楚平王滅若敖氏封鬬辛爲郢公簡王時爲郢公鍾儀邑敬王十四年乙未蔡侯吳子唐侯代楚昭王奔郢與郢公辛再奔隨赧王四十二年戊子秦置南陽郡後更置南郡領安陸秦分楚爲四郡德安屬南郡漢初分楚爲七郡屬江夏郡武帝分部天下置十三州江夏郡屬荊州領縣十四郡國志江夏郡十四城按江夏郡爲安陸鄢二縣地漢置十四城有中分鄢地者竟

陵侯國有鄖鄉杜預曰雲杜縣東北有鄖城故國三國時初屬魏中屬吳後又屬魏魏初得有
荊州自獻帝十三年始不僅在三國鼎立時也赤壁之敗孫劉共分荊州權遂專有江夏郡而
安陸與隨俱屬魏因置北荊州於南陽以舊荊州爲南荊州晉武帝太康元年分荊州爲二十
二郡改江夏爲武昌郡領縣三安陸亦屬江夏郡領治夏口後分置安陸郡惠帝時立潯陽子
相時安陸人朱伺爲陶侃將求分安陸界爲潯陽縣成帝時中原流民多南渡遂於江漢淮
之間僑立州郡司治義陽荆治南郡郢治江夏安帝永初郡國志江夏太守併治安陸此後治
夏口又有安陸曲陵別郡領縣七晉永汝南郡民流寓夏口因僑立爲汝南縣沙羨令漢舊縣
吳省宋武帝永初間司州刺史領四郡太守曰義陽太守又竟陵太守領縣六有新市子相又
析安陸東境置孝昌縣少帝景平初失河南地文帝元嘉間僑立州於汝南尋罷孝武帝孝建
元年甲午分江夏郡立安陸郡屬郢州大明八年甲辰省爲縣屬安陸明帝泰始初僑立永安
郡又立爲左郡於義陽郡設司相以統之又改安陸郡屬義陽郡領縣七蒼梧王元徽四年丙
辰改度司州初置安蠻縣而安陸縣寄治司州省江夏之石陽縣卽舊陽曲入之安蠻在木蘭

瀋陽齊屬司州領州鎮義陽分南北有安蠻左郡卽南義陽郡領縣六宋元徽間已置安蠻縣
在今瀋陽太蘭卽安陸京境梁天監三年甲辰置義州於關南曰南司州移鎮關南築竹墩麻
陽二城六年徙鎮安陸縣是年義陽屬魏故僑立云是時定州刺史以城降於安州定州今麻
城縣大同七年司州仍鎮南義陽郡後魏正始元年甲申安州置總管府大統十六年庚辰置
平靖關於義陽故曰義陽有三關之塞此其一焉又廢湏水郡別置戟城縣又改爲橫山縣周
明帝武成元年己卯省岳山郡入安陸郡卽孝昌尋改爲安州置總管府又析岳州置潁州建
德元年壬辰省安州屬襄州總管復置岳山郡又置環岳郡領鄭州總管隋煬帝大業二年庚
寅四月壬辰詔天下改州爲郡廢潁州仍置安陸郡設總管省孝昌入安陸尋更安陸爲宣郡
更京池爲吉陽尋省入安陸統縣八隋安陸郡梁南司州西魏曰安州總管府文帝開皇四年
甲辰總管府廢唐高祖武德元年戊寅詔天下改郡爲州曰安州四年辛巳置安州總管領潁
應二州八年廢俱屬安州又置汝川縣卽潞水太宗貞觀元年丁亥分天下爲十道安州安陸
郡屬淮南道置都督府郡爲中郡縣爲上縣領安甲等九州六年壬辰罷七年癸巳復置都督

府領安隨等五州十五年辛丑罷元宗天寶初復置安陸郡領縣六又爲奉義軍節度使後罷肅宗至德二年丙申安州屬山南東道乾元二年己亥復爲安州屬淮南道是年以安州爲防禦州寶應四年乙巳改孝昌屬沔州尋復屬安州德宗貞元元年乙丑置安州觀察使治安州屬山南東道十年甲戌以李希烈叛於安州設安黃節度使奉義軍憲宗元和元年丙戌罷奉義軍以安州屬武昌節度使僖宗乾符四年丁酉安州置宣威軍後梁太祖開平三年己巳安州置宣威軍再爲安遠軍後唐陞安陸軍爲安遠軍節度使後晉出帝開運元年甲辰改安州安遠軍爲防禦州後漢高祖天福初復以防禦州爲安遠軍以高祖尙未改元故仍稱晉天福年號後周置潁州尋更爲安陸郡又以郢州汝川來屬又爲防禦軍世宗顯德五年以汝川縣隸安州宋太祖建隆元年庚申以安州復爲建安軍防禦使屬荆湖北路領縣六開寶中省吉陽縣入安陸太宗太平興國二年更建安軍爲安遠軍崇義軍爲崇信軍隸湖北路仁宗天聖六年戊辰隸京西路慶曆元年辛巳還本路神宗熙寧初爲安遠觀察使二年己酉省雲夢入安陸徽宗宣和元年壬寅以神宗潛藩改安州陞爲德安府屬荆湖北路領縣五治安陸宋史

嘉祐八年神宗自安州潛邸入侍英宗居慶寧宮英宗授使安州以潛邸陞州爲府高宗建炎四年庚戌爲安陸漢陽鎮撫使是年徙孝感治於紫資砦屬安陸鎮撫使紹興三年癸丑改孝昌屬荆湖北路四年甲寅以岳飛兼黃復二州漢陽軍德安府制置使寧宗嘉定十五年壬午九月復以隨州三關隸德安府置黃峴關淮南十二關安之故黃峴武陽百鴈平靖共四關度宗咸淳七年辛未元兵城黃峴諸關詔徙德安府治於漢陽城頭山元世祖至元十六年己卯自城頭山徙還德安府治屬荆湖北道宣慰司十八年辛巳罷宣慰司直隸鄂州行省爲散府置軍民屯田萬戶府二十九年壬辰復屬荊州北路改隸河南行省三十年癸巳改屬黃州路三十一年甲午改萬戶府爲總管府英宗至治初改屬山南北道中興路明洪武二年始置安陸縣以德安府治安陸編戶七里領四縣隸湖廣行省時應山興安狄將軍三砦未平九年丙寅降府爲州省安陸及孝感入德安府總屬武昌府十三年庚申復陞爲德安府仍置安陸三十二年戊寅屬武昌道嘉靖十八年己亥置荆西道改德安府屬之徙黃陂兵設守禦所於府治安陸崇禎癸未正月十三日李自成遣僞曹操據府城監軍道章曠總兵毛顯文復之尋僞

將自旺至城仍陷

皇清順治二年乙酉四月蕩平逆賊州縣歸誠郡邑隸屬悉如舊制

雲夢縣

縣在府治南六十里秦屬安陸郡漢爲西陵安陸二縣地有雲夢城安陸縣南五十里亦有雲夢澤按左傳邲子之女棄於夢中又云楚子濟江入雲中並稱則曰雲夢西魏於雲夢古城置縣因以爲名屬城陽郡隋屬安州後屬安州郡唐屬安州省應城還陽二縣入焉宋初省入安陸縣降爲雲夢鎮元祐初復爲雲夢縣紹興中徙治許落市尋復徙故治元末爲賊所據明初討平仍爲雲夢縣

皇清因之

應城縣

春秋稱蒲騷地鄭子屬邑戰國爲楚地秦爲南郡地西漢爲安陸縣東漢仍安陸縣爲竟陵侯國地范曄書竟陵侯國內有蒲騷三國歷魏晉爲安陸地南宋析安陸縣置應城縣此建置應

城縣之始也孝武帝孝建元年析江夏置安陸郡始徙江夏郡治夏口而以安陸縣爲安陸郡治析安陸北境置安蠻縣南境置應城縣并屬安陸郡高祖建元元年徙司州鎮義陽郡領安陸隨南義陽二郡以孝昌縣屬南義陽永陽關西安化隨四縣屬隨郡而安陸應城二縣屬安陸郡如故北魏文帝大統十六年改應城爲城陽郡析安陸置雲夢縣屬之北周明帝武成年置安州總管府於安陸後改安州爲鄖州廢城陽之應城隨州之沮水應州之平靖等縣俱爲鎮陳宣帝大建十二年北周鄖州總管以所領九州八鎮歸於陳陳復改鄖州爲安州安州卽德安府隋煬帝大業元年復置安陸縣省舊吉陽入安陸縣改京池爲吉陽應城縣爲應陽唐高祖武德元年詔天下改郡爲州太守爲刺史四年平蕭銑王世充而安隨二州始入於唐改應陽爲應城宋太祖建隆元年以安州屬荆湖北路隨州屬京西南路安州防禦復爲安遠軍領安陸雲夢應城孝感吉陽應山六縣徽宗宣和元年以神宗自潛邸入繼大統詔陞安州爲府曰德安名德安自此始孝宗乾道五年置應城馬監淳熙十二年徙應城縣石牆驛於京山縣之曹武更名曹武驛元世祖至元十六年徙城頭山德安府還安陸舊治領隨及安陸雲

夢應城孝感等縣明太祖吳元年聶興宗許成歸附洪武元年命徐達徇下德安及屬縣遣鄧愈伐隨州元右丞王誠以城降德安仍領安陸雲夢應城孝感四縣隨州領應山隨二縣并屬湖廣行省九年降德安府爲州屬湖廣布政司省孝感入德安州應城入雲夢縣十三年復陞德安州爲府隨縣爲州仍置應城縣孝感縣屬德安府置應山縣屬隨州崇禎六年癸酉流氛自應山入九年丙子賊張獻忠攻應城縣被陷壬午闖賊李自成設僞官據邑

皇清順治二年乙酉四月蕩平逆賊州縣歸誠郡邑隸屬悉如舊制

孝感縣

周成王封鬻熊曾孫熊繹於楚賜以子男之田此地屬楚繹王時楚子熊渠封其少子執疵爲越章王此地屬越章秦分楚爲四郡此地屬南郡漢初分楚爲七郡孝感此時屬江夏郡爲安陸酈二縣地武帝置十三州分部天下諸郡江夏郡屬荊州後漢分置南新市縣孝感時爲安陸酈南新市三縣地獻帝建安十三年曹操盡得荊州之地及敗於赤壁劉備孫權共分荊州而江夏郡屬權權復析江夏郡東境沙羨等縣置武昌郡已而江夏郡復歸曹操乃置北荊州

於南陽以統諸郡而以權荊州爲南荊州晉太康元年分荊州爲二十二郡孝感此時仍爲江夏郡之安陸郢南新市三縣地永興中析安陸縣東境置潏陽縣今爲黃陂孝感界宋孝武帝孝建元年徙郢州之江夏郡治夏口而以安陸縣置安陸郡又以漢末孝子董永故析安陸縣東境置孝昌縣屬江夏郡先是晉於此僑立義陽郡元嘉末又僑立汝南郡明帝時復僑立宋安郡而於義陽郡僑設司州以統之又改安陸郡來屬義陽郡領平陽郢鍾武寶城義陽平春環水七縣寶城乃分郢立者孝感此時雖有專名而郢寶城義陽環水寶皆今縣地明帝泰始中張永以破薛索兒功封孝昌侯時縣爲侯國令曰相南齊分司州之義陽郡爲南北孝昌屬南義陽郡義陽郢水寶城改保城屬北義陽郡而安陸汝南二郡同寄州治梁復於此置義州仍以孝昌屬安陸郡後魏大統十六年改孝昌縣爲岳山郡置岳州周明帝武成元年省岳山郡入安陸郡尋改安陸郡爲安州置總管府又析岳州置潏州建德元年省安州屬襄州總管復置岳山郡又置環岳郡屬郢州總管隋文帝開皇三年廢岳州及岳山環岳郡復置孝昌縣屬荊州煬帝大業元年復置安陸郡設總管仍省孝昌入安州唐高祖武德元年詔天下改郡

爲州四年改孝昌縣置潯州及潯陽縣應山置應州及禮山縣置安州總管府領潯應二州八年廢以其縣屬安州太宗貞觀元年分天下十道以安州屬淮南道置都督府領安申等九州六年罷七年復置都督府領安隨州等五州十五年復罷肅宗至德二年以安州屬山南東道乾元二年安州復屬淮南道寶應元年以孝昌屬沔州尋復屬安州德宗貞元二年置觀察使於安州屬山南東道十年安州置泰義軍節度領安廣等州憲宗元和元年罷泰義以安州屬武昌節度三年省孝昌入雲夢懿宗咸通初復置孝昌縣僖宗乾符四年安州置宣威軍王仙芝黃巢陷安州及孝昌諸縣昭宗光化元年十一月朱全忠陷安州孝昌諸縣皆潰乾元二年以安州爲防禦州後梁太祖開平二年九月乙未荆南節度使高季昌遣兵屯孝昌絕楚王馬殷貢路三年安州置宣威軍尋改爲安遠後唐莊宗同光二年始改孝昌爲孝感避皇祖國昌偏諱也後晉出帝開運元年改安州安遠軍爲防禦州後漢高祖天福初復以防禦州爲安遠軍後周太祖廣順元年復以安遠軍爲防禦州宋太祖建隆元年以安州屬荆湖北路安州防禦復爲安遠軍領安陸雲夢孝感應城吉陽應山六縣仁宗天聖六年安州置安遠軍節度改

屬荆西路慶曆元年安州復屬荆湖北路徽宗宣和元年以安州爲神宗潛邸爲德安郡高
宗建炎四年徙孝感縣治於紫資砦屬安陸鎮撫使紹興三年孝感復屬荆湖北路寧宗嘉定
十五年以隨州之三關屬德安置黃峴關使度宗咸淳七年元兵城黃峴諸關詔徙德安府治
於漢陽城頭山而孝感諸縣盡入元元世祖至元十六年自城頭山徙還府治自紫資砦徙還
孝感縣治屬荆州湖北道宣慰司明初聶興宗許成來歸以德安府領安陸雲夢孝感應城四
縣隸湖廣行省洪武九年降德安府爲州屬武昌府省孝感入德安州十三年復陞德安州爲
府置孝感縣崇禎十六年正月李自成陷德安府諸州縣十一月義兵復孝感未幾復陷
皇清順治二年四月王師逐賊過德安諸郡縣望風歸誠名號隸籍悉仍舊制

隨州

敬王十五年秦子蒲子虎帥師救楚大敗吳師遂滅唐二十六年吳入楚昭王奔隨隨人免之
卒復楚國楚人德之使列於諸侯故得見春秋元王末惟秦楚燕趙魏韓齊七大國隨與厲不
知滅於誰杜氏曰其地屬韓路史載隨爲楚滅赧王四十一年史記曰魏入南陽以和徐廣曰

南陽郡屬韓四十三年秦初置南陽郡秦始皇三十七年壞封建之制分天下爲三十六郡荆豫二州南陽之東郡南郡之安陸隨皆與有之漢興襲秦之故南陽郡三十六縣隨其一也獻帝建安十三年魏武盡得荊州赤壁之敗惟存南陽江夏七郡隨尙無屬晉武帝太康元年隨屬義陽郡宋文帝元嘉二十六年割隨爲雍孝武帝孝建元年隨度屬郢大明八年隨領永陽關西平林前廢帝景和元年五月己亥隨度屬雍明帝泰始五年隨還屬郢改爲隨陽後廢帝元徽四年隨度屬司齊以隨領永陽關西安化梁武帝於隨又置曲陵郡龍巢縣置土州永寧真陽三郡及石武縣阜陵縣定陽縣又置北郢州北隨郡平林縣又置上明郡有漂水平陽縣又立汝陽郡永陽縣仍置應州又有平靖郡普通五年十二月乙巳李國興復平靖關辛丑楊法乾復武陽關壬寅復峴關太清二年西義陽守馬伯符叛以下澁降於魏魏文帝大統十六年於隨置并州又析置瀲西郡及瀲西縣又改瀲西爲下澁又立肆州尋曰唐州改定陽曰定貴改北郢州爲款州又廢潁水郡別置戟城郡及戟城縣又廢戟城郡改戟城縣曰橫山又改北隨郡爲南陽析置淮南郡厲城順義二縣立冀州尋改爲順州又置安化縣置洛平縣又改

安化爲新化改汝南爲重城郡平陽縣爲京池縣於平靖郡又置平靖縣東魏置南豫州魏主
欽三年并荊州於隨改肆州爲唐州冀州爲順州周廢土州永寧真陽三郡爲齊郡改龍巢爲
左陽阜陵爲漳川省均款須肆四州入唐城改曰唐城縣改南豫州爲潁川郡又置清嘉縣京
池縣置潁州旣而重城京池俱廢改新化爲光化隋文帝開皇元年天子因起於隨遂以爲國
號以周齊不遑寧處故去走作隋三年隨及潁西曲陵齊潁川沮水北隨淮南上明重城平陽
十一郡及潁州并廢九年改東隨爲禮山有關官有禮山實齊禮山關魏人所謂東關也十六
年改下澧曰唐城十八年改左陽爲真陽石武爲宜人安化爲寧化洛平爲上明煬帝大業元
年廢潁西縣旣而置漢東郡改真陽爲土山州宜人漳川并廢入焉唐縣清嘉縣并廢入唐城
縣廢橫山縣入安貴縣順州廢改順城爲順義其舊順義及寧化并廢入焉禮山縣屬義陽郡
改京池爲吉陽吉山在其北故應州廢置應山縣省平靖縣入焉屬安陸郡唐高祖武德元年
改郡爲州四年省安貴縣入隨縣應山縣置應州并析置禮山縣貞觀五年省平林順義入隨
縣八年廢應州省禮山縣以應山縣屬安州二十六年以客戶析棗陽置唐城縣二十八年領